

思伯子堂詩集

思伯子堂詩集卷二十五

建甯張際亮亨甫

南豐偶然作

丁酉

濛濛煙霧遠江垂楊柳交花雨亞枝吹盡一城春色好
曉風燕子欲飛時

以沈石田畫卷寄贈石甫司馬因繫以詩

時權都轉於揚

州

故人遠隔大江北江上今來幾春色杜鵑開過乳鶯啼
水遠天長思無極心知醉翁舊游處風雨無人共歎息
寄將一卷畫中詩知我飄零正相憶石田去今三百載

石態林光宛如卽當時富貴亦誰存
輪與風流餘翰墨
畫中騎馬乘船客何似僧寮隱山側
聽泉看鳥久思歸
奈我三旬難九食煙花銷盡蕪城賦
夢裏平山亦悽惻
但期老壽如是翁手顫猶能圖劣尉
是時丁酉歲三月
高詠冰輪仍未仄應教千里接光輝
此畫此情同不蝕

遇小湖侍御入都賦別

春風綠徧灌嬰城春水迢迢日夜生
楚塞江山千里望
夷門秋月五年情
檐帷下客今無補
諫草中朝舊有名
前席應須陳上策
東南何止澤鴻聲

南昌遇鹿春如太守酒酣話舊慨然作詩

新春積雨到初夏章貢奔流如萬馬欲浮江漢畏驚濤

悵望乾坤思廣厦使君自置徐穉榻

謂子畏太守

狂客誰疑

襴衡罵摧藏意氣默向人終日持書勸杯竿吉州賢守

扁舟來六載再見懷抱開知我倦游百無戀惟有對酒

能嘲諷朝相握手暮痛飲胸有突兀黃金臺郭生老矣

愧駿骨感君慷慨嗟龍媒

屬邑永豐徐東松明經太守
泣吉安始相知頃在坐閒猶

再三嗟惜其困

憶昔悲歌向燕市少年磊落空餘子方從紙上

短曹劉那信人間驕許史千場買醉擲珊瑚鞭走馬晝戲

桑乾水塞風北來月夜出白眼望天吾與爾是時客有

姚石甫高才壯氣雄今古一時萬事對歎息半醉三人

時起舞金門翠靄楊柳煙玉街春色桃花雨退直何妨
偶共載西山青曉看眉嫵兩君出領郡與州我獨飄飄
江海頭長安再至懽樂滅故人多貴聲名優可解當時
慣投轄懶逐元禮應焚舟忘年略迹君似舊撫事傷時
星已周丙戌識太守於都下今十二年矣去秋相尋苦不遇側聞政清

民所附報書分俸到衡茅范叔一寒坐何故心知身世

等雨風愁霖未必無晴煦但看黃耳銜竹來

時遣僕往揚州問石

甫都轉

便駕青牛返山住灌嬰城外波浸天孺子亭下湖

爲田高士風流竟何往將軍富貴眞徒然不須拔劒更
斫地他日定憶沈酣緣君不見姚侯相望今千里徐老

分攜已九年

四月廿五日將爲匡廬之游口號

廿年四識匡廬面

戊寅丙戌辛卯癸巳皆於舟中望此山有詩

三峽無緣俯

澗聲江上天風吹雨過山中流水約雲行臥龍欲起應相訪仙鹿能歸定見迎傳語寺僧知迂否予瞻來矣減詩情

次日渡章江途次有述

北蘭對沙井浩然江漲黃輕帆趁曉渡匝水飢鴉翔顧瞻地卑溼夏潦農已傷雖微爨理責撫心爲彷徨午風送笥輿稍見青疇秧秧短不盈尺何以儲秋糧飽食吾

所愧浪游行總妨無田足躬耕耕仍畏旱蝗誓從廬山
君泉石塞雲裳飄飄人世外可以毋慨慷

建昌

荒縣遲朝日喬林帶遠流露晞聞吹蛤帆過見飛鷗漠
漠山銜水蕭蕭夏變秋不知名嶽近到眼忽雲頭

德安

萬古匡廬氣青盤彭蠡迴湖山壓嶽瀆城郭倚蓬萊倦
鳥無南北由北門外渡而南道則往南康爲廬山之陰孤雲有
去來道旁詢父老曾未踏蒼苔

歸宗寺

山志寺有王右軍墨池

古寺見新荷流光感幽憩荒池水自清何知有晉世巖
瀑送樵歸松風爲我至悠然聞農謳如是西來意

初入棲賢谷愛三峽橋之勝留止口號

蒼崖千百轉峽逼怒濤崩萬石龍蛇勢四時風雨聲地

吞巴蜀險天役鬼神驚

世謬傳橋爲魯班所造然工實險固也

坐跨長虹

背蕭然獨往情

棲賢玉淵潭

舍利萬金光不如一潭水怒濤裂石骨陡落雪風起再
折匯澄灣沈沈碧煙洗癡龍呼欲醒誰能割左耳吾聞
此壑穴遠透洞庭底坐憩虛籟生靈瑟憶湘沚五老開

霽色昂首白雲裏手持金芙蓉下照玉清泚李侯惜已
逝獨游憶蘇子文章固瑰奇謫宦實由此應輸老智遷
靜得安禪理臨風浩歎息三頭亦已矣

玉淵二大字
宋張孝祥書

含鄱口

茫茫雲水氣高下蕩晴空獨控匡廬秀全吞彭蠡雄蒼
崖壓大鳥白日洗神龍一口西江吸飄然已御風

五老峯

天風吹雲落吳楚湖光嶽色浩千古登高不見神禹功
世事紛紛何足數西來長江不盡流欲挾五老崑崙邱
桃花一笑八千歲與汝醉歸騎鶴游

萬松坪

濺雪流波落月宮青蓮谷外九屏風飛鴉欲沒無人迹
殘照孤煙水石中

三疊泉

神化物無定迹遷理有殊嶠嶢亂石蹤何人見皇初逝
者信自然注壑幻委輸天風浩在抱江月倏已虛信知
宇宙變涉歷滯形軀雲散山自空水流終何如

黃龍寺觀元人畫十八羅漢明慈聖李太后所賜
龍藏錦袱

百年主中夏遺事半無聞畫裏瞻尊宿山中換法雲

每幅

註布施男女姓名法
雲堂僧普意募化也
母嗟人代往且聽石泉紛悟得降

龍訣何煩考獻文
山志以畫為李太后賜及觀
款識乃天台王士昌所捨也

太祖龍潛日曾從皇覺來疾瘳天眼幻難靖國師才遂

使椒房貴頻留蓮社哀談禪徧末葉四海有蒿萊

登天池文殊臺

我行含鄱口乍覺千峯卑豈知黃龍北嶄峭懸天池萬
石削積鐵鱗立爭欽崎裂地奮風雷終古湍濤悲巖巖
壁抱壑蕭蕭煙挂枝大鳥背負日倒從崖下窺雲端吳
楚色渺然西南垂俯視白一氣際天來峨嵋想當太始
初游者應未疲亦如大江流東逝無還期佛火世所詮

竹林吾久嗤不須升仙臺摩撫前朝碑

白鹿升仙臺有洪武御製碑

周顛仙事水深山自高了了文殊思頽陽忽返照空象生然

疑安能駕鐵船四海凌風漪夕鐘動僧閣俯仰將何之

宿天池寺

鐵瓦餘苔蘚銅鐘燼劫灰數星泉上動萬籟石中來佛

迹同仙盡春花入夏開

寺中芍藥正花

直須燒燭照勸醉更登

臺

是夜復登文殊臺

火蓮院

自天地歸徑石門淵之源過一庵山水極幽邃入視之乃古拙禪師彌陀庵也俗曰

火兒濟僧稱選佛寺又曰火蓮院云

晨發踐荒徑越嶺窮迴谿水清石磊砢松檜含風淒山

空四無人重嶂與雲齊
脩脩叢竹閒時有一鳥啼
巖壑積古色煙靄明招提
僧貧事種植飲犢行澗西
見客了不顧歡然把鋤犁
寄謝塵埃子吾將同幽栖

含鄱口之右團山澗之左
泉石兼山南北之勝而平
敞可廬於天池黃巖漢陽
棲賢五老三疊一日皆可
還往爲賦此詩以俟來者

萬仞迴盤絕磴孤陽開陰
闔秘靈區山雄吳楚長如
此天倒江湖忽已無跣足
瀑源淩日落側身雲海挾
風扶廿年醉徧東南月投
老誰同載玉壺

萬壽寺

古寺今農舍時聞欲暮鐘天低彭蠡水月在漢陽峯聽
瀑得危石看雲生遠松歸牛下西崦荷蓀或相逢

寶峰庵

騎牛不見山中客庵外時聞樵牧蹤幽澗寒巖欲煙雨
一僧枯坐聽風松

廬嶽祠

秩視三公外祠開五老前崑岷支出地雲雨氣通天祀
典垂唐日神功見禹年江湖春漲滿何以鎮蛟涎

雨中游木瓜洞

劉混成
道院也

風雨看山山氣佳道人向晚掩荆柴門前修竹動湖影

天際崩雲驅石崖何處丹砂堪乞縣幾回白足與分齋
時與僧同游未須王屋騎驢去招取溟濛煙鶴偕

雨宿白石庵

長風湖上來空山作涼雨浪濤浩萬態空闊若可取冥
冥去帆沒飄飄夕煙舉青天化爲雲千里晦吳楚屋上
五老峯蒼顏向我俯須臾隱霧深高下氣如縷縈松挂
修竹幽光獨延伫寺僧催閉門地荒常畏虎醉聞落石
聲慨然想太古李侯久不見林泉今無主夜雨仲夏初
來憶老坡語東坡李氏山房詩我來仲夏初又云對牀
老兄弟夜雨鳴竹屋余此來適五月一日
燭殘適孤夢瀟瀟尚警宇

棲賢谷雨後作

谷深連雨過長夏似秋歸萬石因雲活千巖挾瀑飛煙
村明杳靄風籟合希微隨意松門坐溪禽對息機

白鹿洞

講堂山翠滿殘碣更苔痕聽雨知松氣看雲誤水源迹

憐唐宋古交見陸朱敦晚對峯頭月荒亭共易昏

武夷五曲

有朱子書院今荒圯殆盡院前有
曉對峯此間有獨對亭故及之

萬杉寺

去歲進賢民某來此爲僧巖樓而
水飲因爲之說心經及頓漸二義

六十更爲僧斯民亦何愚未知頓悟門面壁勞形軀喬
林交惠風焚香過雨初百泉始多響看雲行階除

開先寺

羣峯拱鶴鳴勢若龍鸞翔讀書臺下水未解悲南唐何
山不青峭過皖情懷愴不如老印公手種松鱗蒼樹古
化爲薪富貴那可常文成記討叛峴首同慨慷至今七
佛偈名與涪翁方我來訪漱玉蘇子迹已荒但聞峽中
瀑颯沓如騰驤風來浩自舞雲起垂何長清寒湧石氣
隱見皆空光散爲太古煙碧淨澄潭涼嗟此一勺閒宛
有千滄桑安知百世下涉澗誰褰裳鑱名盡過客缺蝕
青苔旁濁酒足一笑誰能喚老匡幽壑答靜籟遠禽低
微陽翹首香鑪高太息李白狂

黃巖遇雨留宿

巍峩漢陽麓凌空插雙劍

峯名

峴削亂崖高激蕩奔泉濫

筍輿若倒細路滑那能站側耳聽呼洶龍捉白日陷巖

巒膚寸土老樹爭據占空缺補湖波漲天天慘澹巢鷹

忽孤往直下攫征帆昂首見鶴鳴

峯名

唳咈欲飛欠瀑源

更險絕萬石相摩礧東流隱交巘暖若孤煙蘸三折倏

奔崩噴壑餘激灩西流湧絕壁浩若渴虹燄千仞縱飄

揚界空自舒斂晏坐俯定心

文殊臺前有定心石

身世悄自念羣

蟻出虛無一寂滅欣厭陰森積寒氣霧靄起幽伎須臾

化白雨天地入雲空雲來千里昏雲過數花豔眾綠抱

老紅流光默可覩老僧夕置酒大戶吾頗僧醉聞風濤
聲短燈耿無欲想見智常師蕭然寄鐘梵常聞龍窟宅
洗潭潭屢泛荒庵似虛舟長恐不得纜蕭蕭響徹曉嵐
翠溼如染浩白障海縣對面以聲駿下方有晴意峯頭
時一閃去去難久留出門閤躊躇

雨行山中有作

匡廬奇以石瀑布雨氣噴吸尤清雄茫茫天雲駕海立
巖壑倒入虛無中懸崖飛流宵颯沓高下出沒隨迴風
潛藏似借神鬼立變化始盡乾坤功真人遊戲不可逢
但詫遠近來笙鐘昔行羅浮更雁宕絕境快雨與此同

心知歲月疾掃電目眩草木爭搖空山靈到處解戀客
盡獻百態娛孤習不妨肩輿踏險阻要出世外追鴻濛
終慚一物了未濟誰與喚起眠潭龍

五乳庵

寺本名法雲慈山德清禪師塔院在焉僧言師後示夢歸骨曹溪此空塔也明荆府

書慈師塔院四大字猶存壁嵌碑文敘師於廷
鞠時對當事云今欲誣服此數十萬金然在縣官
則錙銖耳上豈以錙銖故傷聖母心且諸公即上
聞後世將如聖母何此數語頗知國體乃出當事
上也山志節去殊未當
恩恩一覽記其略於此

煙靄鬱岩堯七尖聳蒼翠巉巖千仞壁下有涼泉墜泉

流漱齋廚經聲在水際潺湲裂澗深峽削青天翳怪鳥
中自飛白雲偶然至想見古無人蕭條松柏遂如何曹

溪僧視此乃如寄遺蛻戀南歸院荒昔偉麗人間亦何
常悵望有餘喟北都侈西山四百前朝寺承平天下財
布金無隙地及茲老樹葉亂打荆王字君看風雨來彭
蠡浩一氣誰知山中客晏坐窮崖次

幽邃山見野人家偶作

泉石萬峯深數家掩茅屋朝出樵青山暮歸飲黃犢

臥龍岡廢庵

朱子嘗視諸葛武侯於此

絕壑陰崖響怒雷高空懸瀑散煙埃山中自少崔劉迹
天下誰爲管樂才永憶臥龍甘澹靜不堪澤雁久飛迴
驅牛放鴨村翁在問我蓬蒿爲底哀

三峽橋寺中雨坐

飛瀑滿空山山容洗蒼翠白雲起漢陽因風在檐際冥
冥一鳥嚙窈窕荒林翳谷中煙雨成樵牧無人至居然
巖棲僧偶悅楞伽字新苗日以長水田足生意

太白書堂

謫仙之稱偶然耳後世何事驚仙才可知太白了不計
吟詩縱酒聊嘲詼山東有酒樓隴西有草堂江南蹤跡
隨所至邪溪采石匡廬旁當其攬秀巢雲松意與九江
爭清雄我誦黃雲白波句更觀詠瀑香鑪峯興高久絕
塵壒累韻流盡化煙霞容詩成置之但痛飲豈有鳳鳥

憂樊籠世人苦爲嗟不遇或誇能負唐天步醉識汾陽
豈有心長流夜郎匪無路太白視身總游戲學仙不成
成文字此實千秋一豪士談笑不知天子貴前有莊馬
後大蘇睥睨乾坤同此氣氣如五老標秋雲頃刻作雨
人閒昏長風飄蕭忽捲盡芙蓉秀出青天盆峯下之客
仰首歎駭徒紛紛

將去三峽橋達師索詩因以爲別

我初入谷口已見白水槽兩行老鷹崖破空駭雲濤下
流九十八奔匯聲喧嘈萬石扼其隘水勢窮逋逃翻飛
玉淵宕陡落金井高雷霆助戰鬪壑谷爭雄豪偉矣造

化力千變現一毫誰能狀恣肆終古悲風號虹梁架天
棧閣道輪汝牢七賢右嶄峭五老左巖壑巫峽十二峯
飛來戴靈鼇惜無巴猿叫喚船刺長篙蕭蕭百年樹落
日紛緋碎目極送寒碧白鳥中孤翺昔人已盡逝今人
相對勞獨遊戀此宿礪硯可陶吾應愧兩蘇師其智
印曹方當共瓢笠卜築因西臯時爲別相一寺基於庵
西一里許擬終爲成之

黃巖瀑布歌

初五初六連雨次日歸
道望之特奇壯戲作此

昨登文殊臺觀瀑已駭絕豈知招隱橋邊望更奇萬里
長風送秋月峨帽霽雪未足方滿天積氣寒清光銀河
對此定失色安能雷轟電掣白晝紛飛揚神龍吸海壁

上立鮫奴手撒冰綃溼瓊花徧地無人迹珍珠簾冷湘
娥泣翩然激射舞向空照日萬朵金芙蓉天孫織錦舒
迴風華幢翠葆光冲融晴雲欲落故未落玉虹倒垂飲
絕壑煙雨界破亂飄蕭澗石巖潭相動搖此際應聞金
石奏洞瀕聲歸無底竇樵夫竊聽如猿狖嗟我何曾得
一漱匪惟漱未曾難飲山淥隨山僧丹霞一片如可乘
吾將來往水晶宮闕呼羣靈

自題前詩後

徐凝詠廬山瀑布東坡譏爲惡詩世謂爲其體
物也然東坡稱太白詩又自詠漱玉亭詩皆不

免體物語何故夫作繪者必施五采而紀言者
卽曰文章北宗金碧未必盡不如南宗水墨大
抵繪事以氣韻生動神理豪逸爲佳不以設色
爲病文章之事可悟矣東坡譏擬正以其失氣
韻神理耳世稱爲樂天所賞故辨之也余頃爲
前詩蓋年來所不欲爲者因至四句趁筆成之
後有東坡不免與擬詩同誚然竊觀百年間才
士率以此類自喜抑又余所不解也故戲書一
絕於後

水石高深意可思江山佳絕或無詩散花著徧諸天佛

思仙三言集
不見拈花獨笑時

栗里源

雲水無故觀達人蛻塵迹子弟負籃輿每醉溪頭石仰
觀鳥戾天俯見魚游澤高下理本齊共此一日適故國
時有懷力耕爲誰役攢眉避遠公素心樂晨夕此意終
何如遠煙墟里白

簡寂觀

查初白詩言觀有晉松十四株去年家南
山司馬詩猶言有六株今余來訪之則皆

十年閒物不如白鶴
觀樹遠矣戲爲口號

山橋野水夕陽空不見婆婆婆六代松欲向青天招白鶴
道人種樹已成龍

余昨發南昌有三峽淵聲之句及入山果留此果
日然則人生何一而非前定者哉既編錄諸詩因
題廿八字

萬緣未信皆前定前定依然付萬緣直到瀾枯巖石爛
此心閒與月行天

寄少穆先生武昌

時擢總制兩湖

黃鶴高樓月春風幾度圓夢隨清漢水夜繞大江天節
鉞新開府衡湘共映船謳歌迎此日父老感當年搖俗
今相雜騷才古已然采蘭思國士闢草赴公田教養成
勞遠循良責政先親民端課吏救世必登賢願我塵埃

困何嗟雨露偏蒼茫四海望瞻就北辰虔偶滯宮亭權
遙通鄂渚煙孫曹百戰地詞賦幾人傳或訪東坡迹長
吟太白篇胡牀容側坐興寄玉盤懸

粒穀大士象詩

甲午七月舟過上洋口李二式軒爲言陳氏有
此因乞觀則以穀內米半粒爲法身螺髻眉目
衣縑跣跣纖悉畢具以半粒爲一切莊嚴外相
而普陀巖則因穀苞紫竹林則因穀穎皆妙極
天然主人納諸鷺毛細管中外視了了工巧可
知矣屢欲爲詩紀之丁酉五月二十二日臨川

舟中連雨率爾成篇將寄式軒和之

三年刻玉空成紙大千世界一稊米琉璃瓔珞徧莊嚴
不及樓臺幻彈指至人游戲具萬變諸相常從毫髮見
是誰超契形影神鼻上運斤巧應先頗聞落伽浩無岸
靈風不來去舟斷紫竹林寒佛迹孤蓮花洋晚神燈亂
畫圖難寫出纖末微塵之地忽空闊放大光明半黍中
普門眉宇青霞活嗟此閱世經幾年不垢不滅常依然
我疑粒粒有帝天往歲無禾吁可憐

甲午吾閩大飢斗米七八百錢老弱

流徙百餘年

未有之災也飢民病似釋子瘦造化要勵官宰賢大士

化身卽千億眾生難度慈航便固應定入不死樹且任

瞻如妙相蓮章江三月波灌田臨川五月苗如煙直愁
秋來飯不足管窺何暇論雕鐫君不聞浮生各渺滄海
粟芥子可納須彌山色空空色無身意飲水宜齋繡佛
閒

南昌舟行泝臨川雜述

舟行三日兩風雨野望千家半水雲漠漠青山時向客
悠悠白鳥若爲羣倦游歲月憐衰病曠代人才願見聞
死去安知餘朽骨朝來新漲沒荒墳

澎湃江流走濁波微茫煙火出喬柯石潭雨霽魚鱗集
沙路人稀燕語過永憶春歸何有月畏逢夏潦更無禾

飄飄短襪乾坤遠辛苦蒼生道路多

衙齋荒晏絕雞鳴飲食喧呶徹旦聲野雨洗塵初謝扇
村禽喚舞抵談兵河關北望風雲滿江海南浮日夜驚
逐物倩誰箴道廣樂貧從此得身輕

有客今來比放翁少年自喜薄終童未能馬革埋邊外
且愛牛鳴似甕中村漲溼煙低沒屋雨晴芳樹秀含風
西山爽氣行看遠內史高吟許復同

雨不止漲益大再寫一首

雲山到眼總空明無雨應添苦熱情天意一時娛獨客
世緣千變勵吾生谿涯牛馬方難辨田舍雞豚幸不驚

飽食醉眠隨處好枕邊閒聽白波聲

紀二十三夜夢

誦詩祖漢唐少薄宋元糸邇來愛何兼鬱勃快奇意身
窮迫憂患杜蘇豈我類悲歌擁遺編幽悶豁肝肺竊抱
少陵骨欲掩東坡氣終焉困藩籬安能越當世大言頗
僭侈千載放翁貳不知怪駭多幸逃眞賞棄夜來泊焦
石恍惚髯翁至淡泊何詩篇顧我且評次翁書容坐索
絕筆起深喟翁詩氣何高清絕屏纖翳秋空挂皓月垂
輝燭荒裔翻騰海潮沙泥沙洗沾滯空光四湧現倒挾
魚龍勢孤胸信浩然遼闊滅涯際和平託禪喜洞達周

國計奮發本忠誠揮霍及文字大瓢歌田閒九死不喪
志淵淵金石聲華妙擲無地孰是誚徑直曲折飽餘味
卓犖恣宕激抑揚舒慷慨洵知博大體縱橫出偉義皮
膚竟競襲今蕩貌古肆況矜獺祭能實隕羊亡涕圖祀
扇風流借問此何爲可憐學杜子沈痼嗟同斃再三復
太息李杜韓奚異奇才各雄長微旨共醕懿蒼茫瀉天
心哀感一愚智紛期不朽業文章或虛器太化日流衍
上下合形麗勉汝性情厚積此理道粹懷抱必深通閱
歷資宏備心潛有博約經史貫時事詠言矢從容風諭
富開濟詩情徧宇宙卽目寓隱費萬物蘊英寶呈材待

吾試變化等用兵天授難擬議戰守亦何常功成神鬼
師淵靜戒動洩樸拙懼巧累豐中瘠外觀斯猶救頽弊
悵望古賢遠遐思來彥繼常慚勸朋儕奔走學仍廢偶
茲觸狂簡誰與並摩厲驅毫慣率爾終恨失沈摯聊當
覆濁醪白日哂夢嚙

感漲

浩浩長川漲冥冥急雨俱沙虛崩岸闊田沒蕩村孤得
意蛟龍徙同聲鵲雁呼笠簑老農圃悵望各踟躕
雲暗無天地江長有古今濁清人代往生死鬼神臨舟
重行偏滯波昏望更深漫矜忠信在垂坐戒千金

黯慘微分樹奔茫但見煙不風猶湧浪欲暮更浮天歲
月惟飄泊陰陽久伏愆未應譚爕理深望廟廊賢

夜風

夜半驚風至蕭蕭萬里聲勢狂天地轉愁極死生輕暗
水皆飛立鄰舟各簸橫蒼茫龍虎氣劒外雜悲鳴

漲退

漲退初疑信驚回得此身波聲猶到岸風色乍分津野
闊仍無際天高若有神誰憐行道日長是患憂人
鳥鳥聲先樂黿鼉氣不驕水天初歷歷雲日轉蕭蕭空
闊存孤抱盈虛閱逝朝因嗟東海大長納百川遙

思伯子室詩集卷二十一
白浪消騰激中流尙渺瀰帆開憂去路潮落憶生時今
古爭羸紕乾坤互險夷山容蒼翠好吾欲老棲遲

江路行依舊田園愴幾家叱牛忙補稻驅雀爲移瓜
澗決穿籬亂堤崩掣屋斜方思虞夏聖澤水有咨嗟
淹泊經三宿勞歌斷酒杯山川雙眼倦身世一舟來習
坎行何信觀師象可該沙鷗如眷戀送我故飛迴

臨川

元獻高名一代中如何詠雪憾文忠可知大度誠難事
莫倚文章動上公

介甫原懷君國憂可憐千載竟蒙羞名高氣盛知人誤

送盡平生更汴州

跌宕清才玉茗翁
豔歌哀怨訴春風
漫勞南北分宮調
腸斷人生是夢中

君相有權難造命
中年臥病故山秋
飄零好句知多少

落日荒城水自流

湯舍人備璠蚤歲領解成進士後益攻詩亡丑余在都門相往還未幾病

廢告歸旋卒舍人最爲曹文正所知君相七字其出都門句也

許灣

此地多書賈常轉運四方

挂席江天曙長風
碧水流萬山青
向日一半落歸舟雲
雁聲中酒煙鴉影外樓
嫵嬾存福地行矣我何求

泊廖坊

羣山若江門下壓浪濤奔崖鶴窺幽火風螢墮暗村孤
同雲有影靜到石無言壑響驚龙吠他鄉夜久昏

建昌夜泊

天際彎環月飛來向此溪高懸金蜺竦下飲碧琉璃星
靜仙壇古雲深故府迷不勞題柱慕風亂曙雞啼

廿八日自建昌陸行至南豐觀沿途稻苗甚茂喜
而有作

南風驕五月舍櫂厭波濤牛戲晴蕪遠蛙喧水稻高客
心初送喜民氣已忘勞半畝吾何有秋來飽可豪

東南頻水旱戶口幾流離

聖主憂民困皇天與物慈惠風清轉秀曉靄碧含滋應
許蘇凋瘵從教慰路歧

寄厚園汝梅

八月廿五日偶過里心訪黃汝梅孝廉遂至巖
上癸羊復由里心歸則重九近矣厚園秀才來
送行留待二日而去因作此寄之並柬汝兄

我身浩如太弋雲偶然欲出向何許一尊對酌始共笑
十年幾聽高齋雨留連三夕醉不歸更歷穹巖與平楚
誰將黃河水倒瀉巖上在萬山之巔至日值暴雨瀑流黃漲亦奇觀也自詫青山
足曾俯巖上下癸羊歸途更訪夏家山耆舊風流賸廢

思伯子堂詩集卷二十五

三

宇

夏益風先生名鳴雷爲人傲岸有氣精星卜相術以舉人再中明通官教諭罷歸子孫今聞居龍游腰

腳吾生幸健頑清谿碧樹還重撫朝來告行已八日到

家有客去無主洵知人生遇合緣何事更容強要取前

厚園來話別不期卽至也

飄飄復命萬里駕東望岱宗過齊魯文章

豈足動鬼神忠孝何當告天祖慷慨常存一片心或與

蒼生濟愁苦頗恨楊郎酒不來難遣詩成渴起舞登樓

獨坐嗅黃花山如欲別顰眉嫵

百丈嶺

九月十一

一年七度此經行夏竊春嵐百態呈絕頂中分江海氣

高秋下見楚吳晴去家已覺天涯遠報國徒懷歲月更

長嘯久應通帝座五雲期與驗平生

至南豐連日與厚坤仁叔菊士子序集飲話舊感
懷慨然成詠

拔劍還爲斫地歌連宵痛飲故人多東山未必思安石
南越終當祀伏波秋色際天橫海水鄉心隨月滿關河
直須絲竹兼陶寫富貴將如歎逝何

建昌游麻姑山

舟行昔望華子岡人言麻姑迹所藏入山始覺聽覩誤
世閒萬理茲可詳仙人底事未解脫卻從物外論滄桑
我生事事有東海一日億萬微塵揚正宜痛飲更醉臥

妖姬搔背還扶將村翁或是王方平古祠尙祀苗賁皇
換碑補松各多事登臨坐愛溪橋涼溪聲裂石跌千尺
兩壁削甕壘潭光下窺頗似三峽澗屈注流衍去始長
山中蜿蜒瀉清淺上下歎駭紛騰驤秋河天半洗白日
織女簾捲機絲張安知樵牧笑濯足驅犢慣飲源頭忙
眼前詩禪了可悟寺僧應省吾言狂山僧印心字香谷
與余同甲子生能
詩字因爲之
略陳詩法相逢有情須罷散筍輿出險走且僵江城
空碧見孤鳥夕嵐滅沒低斜陽

十六夜建昌題驛館壁

明月滿江樓天長碧水流千峰光定夕萬樹意歸秋暫

解留山帶閒思折葦舟逢瀛亦清淺汗漫更何游

貴溪見芙蓉

芍藥絢春餘芙蓉麗秋晚佳人怨遲暮含情獨繾綣芳
馨采遺誰日暮江天遠

早發貴溪

昨夜芙蓉江上花天風吹徧鬪晴霞一城秋色涼飛雁
百里山光曉散鴉歧路無心留轍迹豐年有酒醉田家
須知租稅

朝廷薄旱潦頻煩

聖主嗟

琬港橋

屬弋陽

靈山多秀色飛翠滿清谿夕照村原靜秋風禾黍低寺
門時見鳥煙舍正呼雞閒倚石橋望蕭然物我齊

興安

城堞荒山裏炊煙盡日稀鵲爭秋稻噪蝶戀晚花飛土
渴枯泉脈林疏點夕暉因嗟經野意誰見古人微

秋逢

紅葉黃柑夾岸明一雙白鳥踏沙行秋蓬向晚多煙雨
臥聽江天倚笛聲

衢州舟中作

檣上煙鴉趁遠晴望中雲物極淒清數聲梧葉秋風色
何處楓林暮雨聲多病客游兼廢學故人死別最關情
江山回首仙霞路不見靈旗縹緲行去年春何禮門明
月李蘭卿都轉卒於揚州冬十二月鄭雲麓都轉卒於
鹽州今年春李蘭屏比部卒於都門兩都轉與比部皆
壯年殞謝而明府官
累甚重尤可哀也

守風

七里瀧上秋風生七里瀧下煙雨橫行人欲渡瀧中水
紅樹蕭蕭山鷓鴣

下水連樁那得前近流帆影沒遙天不知風色緣何事
劃斷橫江作兩邊

我行昔泝此江流朝發杭州夕睦州曾是好風吹過客
吹殘雙鬢又孤舟

夜夢到家覺而成詩寄兒姪

飄風從何來颯沓勢自東鄉心卷落葉到天爲孤蓬憶
昨別慈母忍淚雙眸紅宛宛稚子疾慘慘雛姬容強去
不復顧已行心憂忡夜夜夢見之晝思望長空飛鳥與
浮雲奄忽無定蹤朝聞水上雁夕聽沙上蛩可憐涼雨
聲日在橫江中中流不可越夢裏見秋月照我拜慈顏
照我攬衰髮登堂理牙籤入室解羅襪慰勞遣僕夫談
笑問耕堡廟下無宿糧癡婢煨糟柑見之了不言長歎

情所闕呀噉警荒雞催我又晨發人生異苦樂苦樂各有因志士富以義貪夫富以身擾擾一世閒衣食爭微塵我意不在茲慨念千載瀋頗恨汝曹愚誦讀憂困貧貧亦豈得謝富亦未足陳作書欲告誡道遠還逡巡逡巡在何許乃在富春渚側想嚴子陵咄咄傲明主君臣應運會將相各龍虎客星曜東南終焉光漢宇嗟哉時可隱何爲出勞苦栖栖眷名世孟氏亦羈旅幼學期壯行少小聞斯諸所愧爲父兄未能浹肝腑家齊自古難幸莫墮門戶松栝結山阿雪霰留故阿桃李豔春日冰霜萎舊質時事紛艱虞世路慎走趨征魂能汝卽誰聞

此太息

釣臺

秋水無人迹新涼見鷺飛高臺竟終古悵望極煙霏世
異興衰運道同狂狷歸蒼山更誰待欲往復沾衣

雨過富陽

萬馬盤空渴飲江江山煙雨正蒼茫風聲西北摩天厲
雲勢東南出海長城雉晝陰遙辨塔沙禽寒噪每依檣
泊舟悵望臯亭暮不見前朝古戰場

登吳山望西湖

宋高南渡幸臨安歌舞湖山亦壯觀半壁自留天水運

中原誰慟祖陵寒英雄竟遣騎驢老圖畫終成立馬看
葛嶺棲霞相向在空令蟋蟀怨秋殘

晚發杭州中夜至塘西

斜陽下前浦飛鳥沒蒼翠新月映水空渺然澹光氣扁
舟入風色遠近秋聲至秋聲感人心秋盡更淒厲飄蕭
蕩九天倏忽動厚地思之了無端旁皇見千世素娥亦
愁絕返駕騁飛轡不知臨平昏回首江城閉

平望舟中風雨悶甚戲爲短歌寄前途故舊

小舟泛泛隨鷗鳬終朝疾雨橫風俱矮篷閉置縮腰腳
窺窗乍覺天模糊故人相望曠千里遠思共飽蕪與鱸

眞州姚侯文且儒山陽潘老近可呼

四農解元

安能使汝作

明月照我夜趁松陵烏松陵東南古姑蘇六朝裙屐餘

顧杏樓水部朱西生考廉風流宏獎有開府

芝楣中丞龔大令陳

登之司馬映耀雙明珠賢守尊中酒不虛

月汀太守相送好稅臨

溜車李公幾年隔成都

海帆先生由四川觀察今任山東廉訪

使者旌節

輝路隅

劉詹巖學使同年

卿雲一朵絢明湖

樹齋鴻臚今秋主試山東舉網

共喜羅珊瑚此時歸到長安無急須相見酣酒盧招邀

莫惜累月醉京朝諸子皆璠璣只愁索詩如索逋未免

愛友勝愛書塵埃不識神仙貴草木猶貪花萼敷且將

三頭付杯水悵望千世同榛墟嗟此意氣眞狂奴二叟

九十竊比諸

吳縣吳王松當塗黃左田二先生皆晚達今皆優游林下年皆餘有九十縱不

宦達窮亦可平生交游多壯夫足跡走半煙霞區婦孺能識僧能扶何爲坐惜垂虹孤儘擘豚肩圍濁沽中宵水鬼聞竊笑如此作達母迺愚

泊八尺湖戲爲口號

晚風乍醉三杯酒暗雨微吟八尺湖萬里可堪雙鬢短百年原似一舟孤深知四海吾何濟曠望千秋道豈誣十二時中惆悵極青天如紙墨雲糊

十三夜蘇州酒筵口號

四海飄零杜牧之罪言未敢訟當時江南不見牛開府

閒與秋娘話鬢絲

白荷花裏醉山塘銷盡荀衣隔歲香
眞信百年才一日更無三萬六千場

思伯子堂詩集卷二十六

建甯張際亮章甫

江陰

丁酉

山勢丹陽盡城陰白骨殘龍蛇經戰伐蟲鶴久悲酸人
代關天廢江流帶海寒數家霜後葉猶作野燐看

丹陽舟中讀瞿忠宣公集慨然成詠

曲阿日西風我行苦淹泊扁舟罷清嘯展書慰寂寞吁
嗟瞿忠宣老挽救匡略運去人心非皇靈將安託空城
殉百戰大義隘寥廓至今壯氣生浩然凜溝壑維名不
虛立孤懷好開拓乘時濟安危失意堅窮約要知此身

外今古多盤錯眾人徇目前貴賤躬自薄白日馳昭昭
志士感飛蓬草木實代華少壯榮催落蒼涼千世情寢
食慙戲謔昔賢不我與骨朽斯冥漠推蓬起太息悵望
掩煙郭桂海慕雲高虞山送歸鶴

遣意

水涸地勢高天寒人心靜飄風動短鬢絲絲見秋影夕
陽戀征帆徘徊光不定一舉楓林葉夢落江南冷

別李中者

兆洛

丈後慨然於懷卻寄此詩

風滿城陰繫纜遲晚燈衰柳映寒漪林宗自覺慙黃憲
賓石人聞鹿趙岐

丈人述石甫司馬在揚州甚相念也

月色歲餘圓幾度

見丈人於江陰斗杓天迴望多時飄然便話蘭陵棹聞
乃十月望夜也指歸雲有見期

抱膝長吟梁甫篇昔賢高隱意蕭然一身耕稼今無地
四海安危古有天落葉聲多宜對酒曉寒江闊不成煙
布帆欲發還惆悵元禮風流已暮年

聖主如天覆八荒朝正拜舞盡名王河山四塞通門戶
積鹵千重變井疆

丹陛昔曾簪采筆白頭今倦賦長楊著書自寫

皇興遠班志閭圖未足方

丈人精地理之學惠近著及昔見其所爲本朝一統地

圖皆精核有條理

思伯子堂詩集

卷二十六

二

莫將如鯽笑江東名士紛紛媒雉同誰肯熊魚思物外
猶爲龍鳳出塵中公卿何與勞人事弟子皆含靜者風
已去更難回首望海門煙雨暗飛鴻義利不辨必無人
品壁間懸錢丈魯
思大書魚我所欲語一篇且刻
銘其後知其於此用力深矣

渡江至瓜洲感興

淮南葉未落江上氣先寒昨夜雲中雁孤鳴月下看何
人共秋思向曉渡雲端楊柳情依舊維舟更拂闌瓜洲
稅關

有樓可望焦山去年正月李都
轉任觀察督關時曾飲於此

揚州晤梅蘊生

植之

秀才出載碑圖索題因贈

吟苦嗟何意愁多見汝心淮山向秋晚江水問天深貫

庶自朝夕浮雲空古今殘碑證人代萬事等銷沈

揚州別石甫司馬

岱宗不爲高滄海不爲深姚侯期我千秋心感激發歎
非黃金黃金何可無買山負土侯助諸潛鱗豈無燒尾
日舉頷或報雙明珠寄書不到大江北歲寒握手重太
息十年故舊半凋零幸有餘生共眠食趙廉頗漢伏波
老猶躍馬思橫戈行將四十恐見惡肯以文字娛蹉跎
登高悵望平山堂瓊花凋盡迷樓霜石頭流水金焦月
猶是英雄古戰場眼中飛鳥低山陽釣臺突兀淮陰亡
男兒不際風雲會便可垂竿老故鄉何爲不貴復不賤

金門射策勞奔忙詩書自謂報天子縱督八州徒貴仕
蕭規曹隨古已然讀律術成嗟老矣可知七尺爲誰死
衣錦晝行耀鄉里不然斯游可以已朔方冰雪從此始
敝裘一笑仰向天元明故關煙沙裏去何所慕歸何恃
貧到難言聊復爾欲將坏土障黃河偶愛廟食垂青史
以此忍垢復含羞乞食行吟向荊州東南萬里青山色
送我孤帆淮浦頭風高木脫葉滿地中有蒼茫四海愁
相逢急索廣陵酒痛飲何妨三日留吁嗟乎賈長沙陳
同甫少年自託人妄許邇來復愛申屠蟠身同傭人屋
因樹可惜躬耕半畝無作達強請從龍虎惟俟慷慨情

我生謬以組介來狂名低頭恥作曳裾客舉足如提出
塞兵同時知者黃樹齋與鄭雲麓死去離多空復情正
須坐聽江城雁別後惟聞河水聲

題焦山詩錄寄四農解元

今年游廬山得詩三十餘首自以爲內稍有佳

作頭見四農與石甫游焦山詩乃覺不如因題卷端亦以傷余之貧病廢學也

高梧落叢葉一夜雨聲涼向曉青天月流光在我牀游
蹤卽殘夢鬢髮感新霜何似淮南客心隨江海長

不見默深舍人數年矣今乃遇之揚州又識梅君

蘊生吳君熙載喜可知也然楊君季子

亮

家於此

者竟以旅食闕於一面蓋友朋聚散之緣大都如

是爾舟至高郵慨然作詩奉寄諸君

生世如波浮東西偶然遇見時卽別日暫來且孤去十

宵泊雷塘留戀忘歲暮心知蕪城外愁絕鮑家賦

季子工爲

六朝文詞朔風捲驚蓬送我湖頭樹黯黯天垂雲都非舊游

處歸鴉正接翼分飛自返顧忘情可延年期汝慎霜露

憶周青士

光祺

明經

昨在石甫廉訪坐閒乍見青士有若夙契者因

詳察其人端雅不佻無少年氣習益不能忘旣

別去語廉訪欲復招之同一譚而公廨無暇時

隙地亦竟止矣舟至寶應猶念之耿耿於懷余

足跡半天下其閒知名士大都有游處贈答之
好其習久而益親慕者必其初見而有所感動
者也默念少小至今知己汎愛之數或一見或
再三見當其握手言懽意有未盡以爲可俟來
者迺其後則往往不復見矣蓋嘗有同在一地
而東西不相聞同爲一日而去來不相值要約
而牽阻以事尋訪而出入不時其永歸絕域長
謝斯世者之爲痛傷又無論矣登高遠望顧影
思舊不知涕泗之何從嗟乎情之累人一至此
乎顧觀當世才人亦鮮有用情如余者則又遐

企千載以前悵望百世以下以爲必有同此情
者而惜乎其不並世也然天下豈有不相離之
友朋乎水離泉而爲江海雲離山而爲霖雨草
木離土而爲花葉條幹人離母腹而爲形氣德
業文章天地離而爲日星河嶽萬化莫不以離
而大也則甚矣余之癡也雖然凡余所感念者
非獨其見難期抑亦其業不著誠使愛惜光陰
奮圖績烈處而性道有聞出而功名無愧則四
海同堂千里一室若太白流浪姑溪少陵逶遲
蜀道回憶山東各如夢裏而後人亦爲咨嗟酬

唱慨想合并然則又何貴白頭互守青眼相隨
也乎余與青士俱登拔萃爲十二載同年雖愧
壯強齒長月旬暫曠京國能逢所以低徊往事
惆悵攄詞者誠欲助成問學策厲遭際而已於
時湖波照空木葉點夕聽寒雁之孤噉伫停雲
而正遠爰成短句用寫離悰將寄廉訪於揚州
爲面致之蓋廉訪爲青士師又知余夙慕林宗
頗負人倫之鑒非同陳寔久貽道廣之譏也青
士覽此其勉之哉

碧雲暖東南寒色飄然至登艫眺淮甸城郭蕩水氣飢

卷二十一
一
溺孰同懷獨掩千秋涕歲華送朝露蓬轉何遷次高望
四海英寥落各天際壯志半已非孤懷遠徒唱矧茲朔
颿急原野益淒厲歲豐鴻雁稀土曠鷹鷂驚安能邁之
子俯仰論身世迹隨情儻親年長事多慨新月照子屋
徘徊見我意春光徂燕郊踏花仁飛轡

譚藝圖爲石甫廉訪題卽送之官臺灣

道光十七年二月兩淮都轉粵東劉君以鹽課
奏銷缺額自縊於署於是大府

奏以石甫先生權都轉旬日之間解報如數時
新授都轉久不至自夏訖秋公私就理賓客閒

集乃屬毘陵吳君繪爲此圖余以禮部試道揚
州至則十月望後五日值其謝都轉事將回眞
州司馬本任堅留信宿屬陽羨吳君補貌余於
圖中凡五日成而絕不似余余亦將行矣適先
生奉

特旨擢授臺澎觀察加廉訪銜余遂復留三日
送其登舟蓋前此辛卯春二月先生自家赴都
補官余適訪之桐城同日就道至舒城而別其
年秋八月揀發赴江蘇出都余送之至黃村而
別今赴吾閩余復在此殆宿緣有獨深焉者非

卷二十一
惟久故爲圖中諸人最也屬爲題詩安能無言
抑余所語於先生者非僅不次之

知遇其能幹濟艱鉅疊膺

天眷外人亦信之久矣余則望其稍謝無益賓
客神明內涵宏毅不怠爲

國家造久長之福與古大臣爭烈其側此圖諸
君亦各自策厲有聞當世庶他日展視想見一
時之盛豈第譚藝云爾哉丁酉十一月二日寶
應舟中并記

千年一片揚州月照盡紅顏照白骨河勢吞淮水橫流

父老露棲若霜鵲民困何關商富貴商賈更有溺飢人

大臣變法小臣急太息俞劉敢願身

前運使滇南俞君亦以憂勞卒官

姚衡奇才實天縱片言已使人心動數日呼來百萬金

可謂官要詩書用政成賓從紛走趨燕譚聊得文字娛

塵中長者毘陵李

申耆丈

毛子

生甫

吳翁

仲倫

窮著書其餘面

目我未識因候慨想多佳客結交最早來最遲頗似談

經欲奪席卻憶

先朝豐樂時子穎好事兼能詩侯家惜翁亦游此三客

焦山世未知萬緣往復何有定身世推遷在俄頃侯方

挂席望滄溟魚龍百變孤舟靜七鯤青割六鼈山蠻童

踏浪垂金銀迎侯或歌或拜舞總與茲圖殊笑顏願侯
愛民如造士滿目遐荒舊赤子不剪甘棠已十圍可憐
幸見重來矣鯨神戰苦餘沙蟲陰燐燭海騰邊烽漫嗟
好鬪越人習天地能轉慈祥功況侯此行出殊遇丹心
皦日爭東曙畫像應看祝萬家書生意態留何處古來
雄傑命世豪千鈞力肯輕鴻毛文章原與政事一到今
萬派徒滔滔疏狂我豈紛憂世空闊離愁渺無際風雨
蒼茫揚子寒誰能寫此攀條意但期擁節還渡江八州
坐督綏淮揚論兵書記平安在更訪瓊花醉蜀岡

成前詩後復寫二首寄樹齋鴻臚

銀蟾一片挂天末鴉鵲投光仰空闊鳳凰本戀最高枝
驚起卻背圓靈輝東鴈西隼汝奈何羣蜚刺天不可羅
邇來我聞堪太息爲君惆悵向南國嗚呼古誼今已無
入九淵者求驪珠漫矜變化自莫測亦有乖龍遭割屠
平原孟嘗何足如

我聞子將薄陳寔又聞元禮輕袁閔同時鑑物具遠識
何止有道知人明渥洼千里任一躍問君何處尋羈絡
驚馬爭餐粟與芻奮迅峻阪堪覆車神龍淵靜潛九地
出從雲雨嗟誰致嗚呼豪傑有氣類宏獎風流亦餘事
平原孟嘗乃衰世

思仙詩集卷二十一
前詩成後慨然自感再寫一首

贊皇不見江陵死
牢落風塵二十年
有過無功長自惜
後身須與逐前賢

糧船

糧船百道下揚州
帆楫連雲隘上流
誰使前朝留敝政
書生未許借前籌

將至山陽寄四農

四海今爲不繫舟
幾人相見慰離愁
故應痛飲淮陰市
醉看黃河落日流

姚侯意氣自雄豪
燕市徐

廉

黃

樹

亦我曹長恐此生翻

寂寂詩人題碣墓門高

縱酒徵歌戲可憐
知人用世總由天
飄零恰趁重湖月
流照孤懷一浩然

儉卿牢落更蘭岑
惜別長安思不禁
知否朝來俱握手
暮雲迴浦一時深

淮安與四農飲別兼奉儉卿

穀賤復傷農
吾儕聊飽食
冰霜徧天地
遠行不遑息
夜燈照淮陰
水氣立四壁
浩吟鴉鵲驚
慨想龍蛇蟄
韓侯亦已矣
枚叔更誰識
至人甘沈冥
身世謝形役
嗟哉一室聚
已覺千里迫
深情望少年
攬鬚欲同白

時四農之
于元直儉

卿之于顏伯
俱在座焉

去冬偶抱孫已知老將至故人嘆我衰何止因詩思百
年骨肉情萬里飢寒涕朔風圻霜苞旦夕有榮頽肌膚
驚黑瘦夜視對不寐落落落天星送酒痛一醉中宵聞
呻吟轉恨爲汝累萬事豈不然哀樂苦相際

汝覽來朕兆汝我嗟如何萬古亦一瞬委化俱山阿所
恨生得日見面常蹉跎預知來世士歎惜聲苦多天寒
歲易晚日短同于歌羈心不東逝激蕩爭江河雞鳴促
晨發醒眼難再酩願爲鳶戾天母使禮可羅

渡河

天上濤頭落日西朔風聲滿布帆低過江寒色連吳楚
更渡黃河北向齊

王家營

朝發淮陰城夕渡黃河水腥風晦落日驟馬揚塵起大
堤何峨峨萬竈橫沙底仰望互青天悲哉河南徙世晚
患日滋天人錯相倚深愁蛟龍惡一決蕩千里夜寒凜
懔濤颶杳動窗凡浩歌想禹功可憐白圭子

來安集

舟棲逾二旬厭水喜行陸空闊向平原寒氣蒼然伏墟
墓互參錯榆柳紛盤曲青天盡茫茫下有長逝族哀驟

思仙二生詩集卷二十二
忽酸嘶千里始奮足歲寒白日短焉知途路熟孤村趁
霜月無煙稍見屋荒涼夜如海浩想孤蘆獨吾生亦何
常世事多局促人鬼共宵燈炊糧爲誰熟

順河集

三更驅車去壓野天沈沈飄如黑煙動皎若白月臨雙
騾互掩映躑躅嘶風林嗟誰使汝然造化匪有心汝材
非上駟汝骨奚千金寵種致遠姿豈冒霜露深感茲三
歎息貴賤視所任日出復日落蒼茫至河陰古賢盡東
逝萬物淪至今悠悠水上雲知我涕盈襟

李家莊

寒氣不成霜著人更慘栗驟行暗不嘶夜走煙沙疾大
星動驟脊仰天浩蕭瑟飄風自北來大地蕩蛟室波濤
戰虛空黯澹神鬼出日高過郟城驚定悅如失熟思官
貴好古意誰能述山光似笑人作態亦非一相逢沂水
上蒼翠對蓬華終朝困趺坐解鞍聊撫膝緬懷瑯琊人
草廬意何逸

沂州府

宵征望沂水滿目霜華凝地暗覺水白蹴踏如飛騰日

出見驟腹凍毛猶懸冰歲寒物力困天遠離愁醒

壬辰別羽

可兄於此荒城合苦霧朔氣橫飢鷹蕭條竟千里東盡淮山

青齊宣昔恣意南放思憑陵有客如孟氏浩然去王庭
彼當戰國日得士關廢興終聞慨名世感激天人徵諸
葛一布衣輔漢戴炎靈兼資關張契難滌吳魏腥大哉
運會際賢聖莫與能栖栖顧藐躬乞食非飄零道逢冠
蓋子卻望征車停沂水何滔滔我行亦屢經

伴城

城陰復涉沂冉冉向齊州冉冉照落日驟影去且留一
驟頻側目一驟惟垂頭汝自困道遠客亦懷歸悠村農
驅牛車憩車還牽牛村農豈不勞勞苦得少休鄰里共
夕話酒熟互勸酬我行何所息悵望天俱浮齊南氣莽

蕩昔長東諸侯山雄互亂磧地闊包迴流古時英雄姿
今無骨一邱何須聽雍門彈琴始欲愁征輪偶此駐暫
若塵沙投颯沓逐飄風四散不可收羈心轉自豁痛飲
他何憂土室擁白月遠色如滄洲空寒合夜思渺然空
中漚因思躡碧城縹緲凌虛游

梁莊

橫岡互亂石石立爭欽崎驟跳入石窟見背不見蹄昂
然掉尾奔出險力已疲其羣乃側顧目光霍離離同食
不同憂古來烈士悲如何徧塋确百里皆傾危山峭旣
雲連輪轟亦雷馳草昧經綸心屯難浩可思長風蕩落

日驥首崑崙西非無入駿足瑤水觴誰攜年荒粟豆艱
經旬寒且飢蕭條況村郭夕宿餘哀嘶東蒙挂懸流絕
頂蟠龍螭夜長抱月睡變化誰得知變化誰得知嗟哉
各有時

齧陽

我行冒北風我僕隨風塵聞聲駭後顧怪石掀其輪黑
驟壓轅下仰天悲張唇喘急不得嘶屈蹄如求伸念汝
力已困況此山嶙峋誰能履險艱任重以濟人吁嗟古
志士時危奮忘身安知龍虎際獨角高祥麟中原百戰
地滿目多懸鶉清寒獨攬轡慷慨吾何因逶遲墟里暮

憶舊空蕭辰壬辰閏九月宿此遭逢豈足歎所愧勞形神道長
足苦短蹇衛同逡巡淒淒落木晦黯黯飢烏馴陂陀更
亂石刺海翻鯨鱗眞思鏹疊嶂豁意無崖垠

羊流店

岡澗苦崎危行邁懷早息幽尋羊傅祠宛變流官宅滄
桑事多往陵谷理難測因悲沈碑意漢水至今碧淚殘
父老戀何似岷亭石風雲晦前景草木淒故國翻勞千
世下共擬征南迹游覽摹曉崖去思鑿官壁身隨流潦
散名與微塵迹哀哉夏與秦何分响與嶧燕然豈漢功
涪溪匪唐德固知不朽三常凜日月蝕空飄蕩雪意返

照斂煙夕坐聞鼃豆聲驟影靜月色心憐晉代遠夜見
齊山白目窮孤鴻飛慨想擇木識良禽自古難羊杜徒
比翼惜無襄陽兒爲君歌石勒

泰安

岱宗起東海千里何雄尊綿亙結地絡峭聳摩天根北
拒太行險南帶長河渾中峰擁茲郡鬱爲元氣蟠我行
早稅駕更訪龍泉源斗母宮卽古龍泉觀陰森化石樹蒼翠爲形
魂蕭蕭萬仞壁下有寒谿喧朱甍夾磴道絳闕開雲門
不見碧霞君風雨颭靈軒深悲皇王迹獨契山水原道
因曠遠會神以奧窔存智仁證動靜闢闔師乾坤自非

五嶽大何與百變蕃十年困道路驟背疲塵轅安能寄
日觀長攬扶桑瞰心追虞淵逝目送齊煙昏因思花朝
醉凍酒回春溫戊子花朝同煥奎太終宵戀城郭山月
銜金盆守登岱頂亦飲於此

望岱

雄壓海天青氣盤齊魯白蒼茫雨九州纖雲乃寸碧初
日燒素碑寒靄穿漢柏銷沈七十年代誰問乘驟客

張夏

我昨發羊流高下越澗原層岡夾亂石萬蹄爭仰捫前
驟欲返墜後驟已騰奔盤盤轉磨勢復下疑飛翻是時

岱頂月徧照冰霜痕素娥關青女嬋娟皆離魂悵然萬
古意來傍雙輪轅日高憩郭外聽泉聊忘言如何夜未
半更走重山樊亂石益錯雜十步九簸掀北風捲地惡
人馬沙塵吞眞挾水凍立草木飄枯根僕夫瞠不識慘
澹成窮猿面黎耳鼻裂手足僵奚論是時代頂月倏墮
天如盆石頭挂斗柄石角遲朝暾騾飢互踉蹌雨汗鳴
且趕透遲峻阪絕峽斷屢一門驟馳不及控並入還爭
喧置死而後生乃信兵家言顛危到日景乍覺得我村
茲爲泰山麓齊魯互長垣居民艱饑汲未足籌軍屯獨
餘嶄峭峰猶輔嶽勢尊想見豁大度佐命皆雄渾小人

懷土慣酒罷思林園豈有富貴樂差無朝夕煩詩成忽
自笑撫髀皮猶存

方山

中年苦不寐況乃途路閒二更攬轡出壓面嵯峨山埃
荒柝聲死星動天光閒悲哉一片月古時照人顏人往
月猶來依依繞河關念此轉自惜勞苦何足歎崖斷暗
影合微光如缺環驟如銜尾鳴如飛復迴盤陡落勢百
丈騎嘶風滿鞍冉冉轅下燈漠漠空中寒蕭蕭野無人
血想沙磧乾平生好筋骨趨謁誠知難要當銅柱外百
戰清夷蠻遠眺歷山阿重湖送微瀾明良彼一世宇宙

亦已艱慷慨竟終夜草屋謀朝餐羣騾得棧豆垂首意
已懽可知賞罰信駕馭羣情安所恨青霜威旦晚催鬢
斑浩歌舞長劒悵望齊州寬

濟南

驅車向燕市息駕至齊城萬騾騁風沙浩浩如軍聲古
來戰爭迹廢轍久已平羣山自岱宗鬱起何崢嶸泉流
湧地出化爲長湖明川原氣佳哉人代亦屢更自非金
石姿何以永令名詩歌亦糠粃李杜昔此行至今歷亭
柱白雪同摧傾思爲雙黃鵠超舉游太清

感夢

余昔往來濟南郭外欲一泛明湖不果去年春
蘭卿觀察擢山東都轉私喜可作湖上十日留
乃未幾觀察卒於揚州其夏聞雲麓觀察繼擢
都轉益喜可作彌月留徧覽濟南山水之勝乃
未幾觀察道卒於贛州今仲冬十六日至歷城
止逆旅思鄭李二公不勝慨然其夜夢在海島
中送二客登岸客去余欲返則不可得惟見鄭
公在島中遙相語別問其名曰三山島也覺而
愴懷賦此以志感悼

與君生同鄉本家滄海上中年棄我孤萬事餘惆悵明

湖一何清碧水丹崖情仙去乃不居我來空吞聲可憐
天上月不知腸斷絕照我復照君精魂語離別三山儻
神山君往我未還何當夜夜夢見君平生顏榮名愴晞
露華髮誰能駐但有結交心死生猶旦暮因之傷李侯
有兄愛我尤

蘭屏比部今年亦卒都下

壯歲各徂謝吁嗟誰千秋

劉方伯諸公子招泛大明湖

方伯名斯媚爲人寬厚而愛士公子曰續

去年別於南豐曰繫去年別於都下曰繹王辰別於都下皆高才而有長者風附記於此

濟南名士昔時多永憶飢驅李杜過鹽筴久罷餘廢榭
湖田漸合界枯荷一年風雪爲誰早萬物滄桑奈汝何
向晚迴船拚劇醉話殘今古有觴歌

李海帆廉訪屬題畫三首

三峨殺氣連天橫，冷磧雪海翻長鯨。
陰風慘澹笳鼓裂，怒馬一蹴嚴關平。
歸來父老夾道迎，鐃歌相望輝羣翎。
賦詩慷慨矜夷貊，此意何似王文成。
從來久安狃姑息，激變或亦由驕兵。

皇威震疊將士勇，嗟汝小醜殘其生。
頗聞

聖人戚宵旰，司農度支煩經營。
水懦火烈古有訓，諸公應念鋤奸萌。
功成一將萬骨暴，何況狡竄非輪誠。
彼勞我逸服更叛，伏波足老南蠻行。
使君昔以循良名，戰血尙閭衣裘腥。
籌邊樓在如重到，瀘水同深漢相情。

峨邊禽蠻

圖

蜀中山水最漢嘉
淩雲積翠軒朱霞
千年寂寞李太白
平羌月色空秋斜
江長天遠意不盡
古來戰壘紛三巴
安能觀空若石佛
身世直渺恆河沙
使君超興何有涯
載酒俯壑哀槎枒
青天招手落白雪
三峨秀色來孤鴉
浩歌更憶蘇玉局
披風謝古同歎嗟
長川大山氣總佳
偉人不見成荒遐
鵲華影落明湖冷
醉望寒光何處家

夜雲載

酒圖

天半峨眉色荒庵且獨看
人閒無太白風雪自高寒

萬安

寺望峨眉
積雪圖

過德州得詩一首是夜宿留智廟再寫一首

朝發明湖夕濟流三朝才見古雄州
幽燕北控維三輔齊魯東分據上游
河水成冰驚歲晚沙塵蕩地覺天浮
十年倦客勞車馬悵望斜陽滿戍樓
堤下連檣界遠晴漕渠一綫走

歸京可憐蓄水難人力轉惜當年秉國成
戎馬誰妨溝壑意哀鴻自愴溺飢情大
農少府煩宵旰蒿目吾儕對晚城

過鄭州

土城何摧頽半倒斜陽痕借問築者誰
答云由公孫可

憐如腐塢積粟供饑餓身死敵國笑土馬空雲屯中有
扁鵲墓及夏竦墓山雖走百貨珠玉輝輝村遠使五
方俗父老紛能言我嘗聞僑客疑此乃宋垣角雄定
陽置戍通梁園豈知天險奪人力何能援嗟哉澶淵後
難以棄地論當時戰守計宜宅咸京原洛陽帶河山行
幸資東藩自從漢唐來北勢常南吞諒非擁函華無以
塞薊門宮中玉斧意指畫毋乃存太宗失遠略禍患開
金元千秋有往復逝水知來源君看趙北口秀出江南
魂興亡曷足弔飲馬楊柳根因悲鑿冰子捕魚猶單禪
浩歌一覲豁何爲厭輪轅

固安道中

騾背見霜棱慘白射朝日清嚴入地骨沙上寒光出漸
高化輕煙橫繚榆柳密西山何蒼然千里氣蕭瑟天高
多悲風羣雁南征疾嗟余獨北向民勞恥身逸渡河履
層冰矯首望京室暮雲倚劒來浩蕩洪流失逶遲盡夕
照燈火耀蓬華咄哉戒盜多飢寒孰汝卹

楊忠武公輓詞

百戰西南烈

三朝文武勳全家施靖海並代岳將軍畫錦寒巴日營
門散隴雲祁連新冢在父老識碑文

二百年

天澤因何小醜狂，易名思漢相再世。見常王終始功名，盛儲胥歲月長。似聞遺表在，漸欲勸耕桑。

初三日冒雪訪海秋農部不值，次日枉顧並惠以詩，卽次韻奉酬。

匹馬薊門來，煙沙萬里開。關河仍莽蕩，歲月獨遲回。璞
僭周人玉，雲荒漢將臺。紛紛取長路，原不待龍媒。
楚塞三湘闊，炎荒百粵重。風塵無地避，歌哭有天容。厭
馭侯門履，須尋客舍筇。蒼茫飛雪晚，把酒失千鍾。
朔野盡多陰，看天冷自禁。青雲非我後，白眼負人深。逝

水見江海名山悟昔今卽憐元鬢共未敢廢行吟

次韻酬潤臣孝廉

別汝又經歲嗟余蓬轉何嶽雲暗湖水世外亦勞歌復

此臘殘雪情如江始波

今秋在吳門有詩奉寄

身存慰游倦無地

問蹉跎

次韻宥函比部枉贈

風雪來千里蒼茫見落鴉不知滄海上明月幾梅花夢

覺春光到寒催酒力加相憐忘身世何處不天涯

憶昨論交日雄豪邁古狂歌酣秋蕩蕩醉喝月茫茫百

越龍噓雨三邊馬咽霜重逢怨搖落鬢短歲時長

宇宙嗟誰問關河豈自憐悲來翻一笑狂極厭千年峴
首嗤羊祜周南信馬遷中朝名世業望汝復看天

置我宜何地窮荒絕島閒談兵神島白說鬼野鱗斑交
謝長安貴詩追太古還因君憶潘老四農高臥自淮山

丁酉歲暮入都始識喬鶴儕

松年

水部兩贈佳句

次韻奉酬

莽莽清寒日滔滔絕海荒嘯餘情有鍛吟瘦食無糠冰
雪三山厲風雲萬古長因君一搔首去國鬢毛蒼
繫馬幽州道屠沽幾我儕時平今市骨戰苦昔炊骸歲
月嗟何事乾坤浩可懷相逢一長劒閒與掃煙霾

風騷餘事在望古久低徊半付溝中斷誰憐劫後灰埃
塵遲老眼神鬼妒雄才空知道驂騑見汝來

潤臣以近詩見示率題三絕

風雅微茫有正聲漁洋惜抱兩分明爲君更話滄浪旨
千載騷人過眼輕

李何騷駕見高徐風骨孤騫世未如不信後人輕七子
成老馬戒前車

十載徒歌行路難蒼涼天地一征鞍哀笳急管關山月
不及湘靈暮瑟寒

雪夜放歌

廿二月六日

我不能手攢明月上青天下視四海浮空煙又不能出
關萬里弔秋色倒騎駿馬接歸翼落日茫茫荒草白健
兒吹角羶廬夕千鍾乳酪百口牛胡姬對舞彈箜篌戰
場鬼嘯燐火出照見萬古慘澹英雄愁此時塞風一夜
起亂捲冰花壓營壘老雁盤空挾雪飛黃沙影絕蒼茫
裏或言峨嵋積素尤清奇三峰碧黛凝修眉嬋娟顧影
抱明鏡乃是太古空寒煙雪姿長江六月化巨浪遠吞
吳楚通巴夔欲招李白之魂無所知可憐但見太行九
陜之險嶢險巖何可道欲歸苦不早幽州以塵埃爲天
地與駝驛同城堡朱顏曉至夕已黑白晝無風沙浩浩

問君何處開懷抱頗覺太行向我好自從遼金元明來
年年青峭送人老如何天公愛玉戲碎剪瓊華漫拋棄
摩挲腰下七寶刀難割九陁一痕翠關河多少瑤妃淚
銷金帳暖惟酣醉長安閉門吾未能灞橋斷絕驢蹄冰
坐思嶺外梅已放縞衣翠羽呼欲膺江南更有香雪海
缺月挂樹湖雲崩便當湖上借雙鶴來往枝南枝北隨
山僧不然刺船剡溪曲亦有千巖萬壑鏡中綠蕭蕭雲
水數鴉啼雪滿江天掩茅屋人生如此僵臥足三公奔
走汝何福李廣封侯夢未醒卻倚吳鉤聽燕筑召狗屠
聊呼盧百萬一擲亦何有風驅雪片落吾手憶昔相尋

吳子顧北柳巷頭雨雪暮手持一卷山谷詩醉倒酒家
不歸去傷心竟似黃公壚十載愁過舊游處憶昔招我
鄭迪卿剪燈白廟雪始成詩如東筍代芟薤有子筆墨
左壺觥朔方雲散海月墮腸斷虔州涕泗并憶昔投筆
途更窮分金乍有徐廉峰豹嗥月出翠微寺攤書夜雪
凍手紅今來隔巷誰聞鐘生離死別何堪計玉龍正作
狂飛勢逐汝飄颻游八荒偕汝散落忘千世看汝高下
卷舒若有時憐汝空明皎潔仍無際有客有客慰留滯
金尊銀燭爐香細是夜樹齋鴻臚海秋農部胡典恨無
翠袖點橫斜老坡險語出奇麗吁嗟乎山遙遙波迢迢

蒼梧不崩湘不絕竹上斑斑那得消須乘八駿觴瑤水
羣玉峰頭尋子喬大笑人閒空暮朝

次韻絳庭明經枉贈

憶昨踏秋色天半雲滿天下臨太湖波雲氣隨歸船煙
光一雁小雨意孤花妍蕭然山水態化工無雕鑄寺燈
出菰蘆送我蛩語邊

蛩吟冷秋心雨過餘煙姿歲寒燕塞笛如向吳天吹君
才淨冰雪獨抱千古思春風到湖山薜蘿猶可期

樹齋鴻臚次宥函鶴儕詩韻枉贈仍次韻奉酬

朱鳳翔天際翩然顧白鴉人閒徧風露無地問瑤華豈

惜稻梁晚聊辭增繳加哀鳴有鴻雁覓食更江涯
海水忽飛立驚濤湧地狂蜃樓爭變幻鼉極久微茫何
處藍橋侶銷沈玉杵霜可堪對徐福童女踏波長

上界神仙府爭邀王母憐蟠桃一萬樹花落又千年欲
問麻姑信徒悲滄海遷悠悠入駿足瑤水且騰天

惆悵三閭淚飄零大澤閒江蘺春不秀湘竹暮常斑北
渚目孤往西風波欲還神靈忽朝雨帝女降巫山

夢裏華胥國淒涼少舊儕鬼啼燒野火狐舞載枯骸已
覺黃梁熟何當翠被懷鄂君好顏色珍重朔風霾

壺公龍變化子晉鶴翔徊仙骨爭靈馭吾心惜死灰生

天仍藉福歷劫始論才坐笑東方朔紅泉漫往來
博士何勞毀深慙仲叔交眞形贈五岳偕隱失三茅書
感翔雲勸名辭買藥嘲嚶鳴聽寒鳥廡下正羈巢

樹齋鴻臚再次海秋侍御韻枉贈復次韻奉酬

去日豈重來飛花或再開客心隨萬化人事醇千回交
可論春白名難避釣臺羊裘看好在鳩鳥不須媒

五嶽高方寸蒼茫雲霧重仙人招海月爲我出天容衰
鳳懷三秀猶龍寄一筇霓裳聽風水誰與律黃鍾

夢中哭鄭雲麓都轉

今年在南昌始聞去冬都轉卒於贛州日念之而悲欲爲

詩亦不能成六月臥里門夢中得前六句因足成之

死別今難見心傷隕道途
愁心下江水落日向澎湖
白馬吾何往青天若可呼
夢中還說夢愁憶歲寒圖